



ҚАНДАЙ ТҰРҒЫН ҮЙЛЕРДЕН ПӘТЕР
САТЫП АЛУҒА БОЛМАЙДЫ?

2



ҚАЗЫҒҰРТТЫҚТАР ҚОРДАЛАНҒАН
МӘСЕЛЕНІ ЖАЙЫП САЛДЫ

4



№19 (622). 19 мамыр, 2023 жыл

Өзгені сынағанша, өзінді түзет!

ҚЫЗМЕТ

РЕСПУБЛИКАЛЫҚ ҚОҒАМДЫҚ АПТАЛЫҚ ГАЗЕТ

www.kyzmet-gazeti.kz

Газет 2009 жылдың 19 маусымынан шыға бастады



ОТАНДЫҚ КІЛЕМ FORUMY: АЛТЫ МӘСЕЛЕ, ЖЕТІ ШЕШІМ

Шымкентте тұңғыш рет республикалық «ОТАНДЫҚ КІЛЕМ FORUMY» өтті. Аталған іскерлік іс-шарасына үшінші мегаполистің таңдалуының өзіндік себептері бар. Өйткені, Қазақстанда кілем шығаратын екі кілем фабрикасы болса, сол екі өндіріс орны да Шымкент қаласындағы экономикалық зонада орналасқан. Соның бірі қазақ кілемдерін әлемдік нарыққа шығаруды мақсат еткен «Бал Текстиль» фабрикасының жұмысын бастағанына биыл 10 жыл болып отыр. 4 станоктан басталған кілем фабрикасының қуаты бүгінде Қазақстан нарығын ғана емес, шетелдік нарықты қамтуға да қауқарлы. Іскерлік іс шарасына республикамыздың түкпір-түкпірінен келген қонақтар алдымен кілем фабрикасының жұмысымен танысты. Қалалық мәслихаттың депутаты, кәсіпкер Талғат Ысқақов үшінші мегаполисте өндірістік туризмді дамытуға ықыласты екенін осылай ісімен көрсетті.

Ал, «Көрме» орталығында өткен форумның ашылу салтанатына қала әкімі Мұрат Әйтенов, М.Әуезов атындағы Оңтүстік Қазақстан Университетінің ректоры Дария Пернешқызы, «Бал Текстиль» фабрикасының Қазақстан бойынша 400-ден астам серіктестері – ірі кәсіпкерлер қатысты. Фабрика жұмысын көрсету мақсатын басшылыққа алып жасалған көрнекіліктер келгендердің назарын бірден аударып, жаңа кілемдер топтамасының таныстырылымы отандық өнімге деген қызығушылық әлеміне жетелей түсті. Көпшіліктің назарын аударған «Feryadi» деп аталатын соңғы кілем топтамасы – әлем бойынша кілем өндірісіндегі ең үздік ирандық кілеммен бәсекелесе алатын премиум-класының өнімдері болды. Кілем тоқу станоктарын өндіруде әлемдік көшбасшы болып табылатын белгиялық «Van de Wiele» компаниясының станогтарында тоқылған. Кілемдердің орташа тығыздығы – 1 м2-ге 3,5 миллион жіпті құраса, кәдімгі кілемдердің орташа тығыздығы – 1 м2-ге шамамен 500 мың жіпті құрайды. Бұл жетістік.

Ал, жалпы 10 жыл ішінде бағындырған белестер, жаңалықтар, өндірістегі өзекті мәселелер форумда талқыға түсті.

(Жалғасы 3-бетте) ▶

Сұрақ-жауап



Нұрбол ТҰРАШБЕКОВ,
Түркістан қаласының әкімі:

**«ҚАЛА РУХАНИЯТЫН ДАМУДА,
ІШКІ ТҰРАҚТЫЛЫҚ ПЕН
ЕЛ БІРЛІГІН САҚТАУДА
БІРЛЕСТІКТЕРДІҢ
ЕҢБЕГІ ЗОР»**

Азаматтық қоғам, оның ішінде Үкіметтік емес ұйымдар – демократияның ажырамас бөлігі. Мемлекетіміздің өсіп-өркендеуі, қоғамдық сананың жаңғыруы азаматтардың белсенділігі арқылы жүзеге асатыны анық.

Үкіметтік емес ұйымдар кішкентай балалардан бастап қарттарға дейін, азаматтардың барлық мәселесін шешуге үлес қосады.

Ізгі қоғам құру шынайы құндылықтардың бағасы артып, сананың жаңғыруына ықпал етеді. Азаматтардың белсенділігі, бір-біріне қол ұшын созуы «қайырымды қоғамның» салтанат құруына сеп болады. Бәсекеге қабілетті, ғылым-білімге құштар, отаншыл жастардың өсуі мемлекет дамуының кепілі. Осы қоғамдық ұйымдардың жұмысына әкімдердің көзқарасы қандай?

Түркістан тек облыс орталығы ғана емес, еліміздің тарихи-рухани астанасы болғалы жатыр. Руханият аталған жерде қоғамдық келісім де қатар аталуы заңды нәрсе. Қаладағы азаматтық қоғам, қоғамдық бірлестіктер, үкіметтік емес ұйымдар жайы қандай? Бұл сауалды Түркістан облысының әкімі Нұрбол Тұрашбековке қойдық.

(Жалғасы 5-бетте) ▶

«ҚЫЗМЕТ» ГАЗЕТІНЕ ЖАЗЫЛУ ЖҮРІП ЖАТЫР. ИНДЕКС: 64295



СОЗАҚТАН ТАҒЫ
ЕКІ БАЛБАЛТАС ТАБЫЛДЫ

5



ҚОС ҚЫЗДЫ ҚЫЗЫЛ
ЖАЛЫННАН ҚҰТҚАРДЫ

6